



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Edictvm De horis Canonicis ad pr[a]escriptum Breuiarij noui Ambrosiani
recitandis.

urn:nbn:de:hbz:466:1-11399

iure ipso privati sint, quos arbitrato nostro pijs locis aut operibus attribuemus: fin autem beneficium Ecclesiasticum nullum obtinent, trium mensium carcere eos multandos declaramus; & qui sacris ordinibus initiati fuerint, etiam ab ordinum suorum munere sint suspensi.

Ab eo autem tempore, quod & ad tonsuram & habitum clericalem sumendum hoc edicto præstitimus, post mensem, si qui vel eum non suscepisse, vel susceptum deposuisse conuicti fuerint, eos beneficijs atque officijs Ecclesiasticis omnibus iam nunc, etiam nulla alia declaratione facta, priuatos esse declaramus.

Præterea quoniam quæ nos prouinciali nostra Mediolanensi Synodo de clericali vestium colore, de sericis vestimentis aut ornamentis, de interiori veste, de manteletti longitudine, de pallio quod ferrarolum vocant, de caligis non infatis nec disfectis, de camiscijs vt dicunt laeticatis, aut arte elaboratis, de anulis, & reliquo denique clericorum vestitu constitutum; ea cum intelligamus à pluribus negligi, inter alias poenas, quas de clericis in eo genere contumacibus ex illo nostræ Synodi decreto, pro personarum conditione & modo culpæ arbitrato nostro sumemus; vestimentorum etiã quibus quisque clericus contra illud decretum usus fuerit, amissionem ej denunciamus, eaq; contumacibus clericis adempta, pauperibus distribuemus. In quarum rerum fidem hoc edictum confici, & signo nostro munitum, nostrisq; Cancellarij manu subscriptum, Metropolitanæ nostræ Ecclesiæ val-

uis anxi, alijsq; locis in publicum proponi iussimus.

Dar. Me-
dio-
lani ex edibus nostris
Archiepiscopali-
bus die 24. De-
cembris.

1566.

EDICTVM

De horis Canonici ad præscriptum Breviarij noni Ambrosiani recitandis.

CAROLVS

S. R. E. Cardinalis tit. S. Prædixis Archiepiscopus, vniuerso Clero Mediolanensi salutem in Domino.

DIVINAE misericordiae munere donoq; Ecclesia Mediolanensis, cuius Archiepiscopalem curam & administrationem Dei sedisq; Apostolicæ gratia gerimus, cum multis alijs ornamentis exculta sit, tum hoc vno etiam, quod diuinorum officiorum ritum præcipuum, atque eum quidem antiquissimum habet; quem ab sancto Ambrosio patre patronoq; nostro institutum, & à beato Simpliciano auctum, deinceps Archiepiscopi qui ordine successerunt, tanquam amplam sibi hereditatem relictam religiose conseruauerunt.

Itaque nos vbi primùm ad hanc Archiepiscopalem curam gubernationeq; vocati sumus, cum alia, quæ vel ad cleri disciplinam, vel ad populi morum conformationem, vel ad ecclesiarum instaurationem, ornatumq; pertinerent, pro sollicitudinis nostræ officio non solum concilijs tam prouincialibus quam diocesanis, sed omni alio Archiepiscopali munere, quantum in nobis fuit, bene iuuante Deo, procurare studuerimus: in id quoque maxime incumbere, opere pretium esse censimus, vt antiqua Ecclesiæ huius nobis commissæ instituta, vt veteresq; ritus, atque adeo ab ipso S. Ambrosio institutos recte tueremur, & vbi opus esset, instauraremus.

Quamobrem multis ab hinc annis, præter cetera quæ ad huius ecclesiæ rationes usumq; opus esse vidimus, illud maximo opere curauimus, vt Breviarium in primis adhibito peritorum piorumq; hominum consilio recognosceremus, ritusq; & congruenter veteribus Ambrosianis institutis conformaremus.

Quo in genere cum exemplaria antiqua, aliaq; comprobata, huius ecclesiæ monumenta adhiberi mandauimus; tum verò totius officij normam, in multiplici Breviarij

Am-

Ambrosiani varietate diuersis temporibus non rectè à nonnullis Sacerdotibus priuatim introductam, ad ritum accommodari volumus, quem clarissimi diuinorum officiorum scriptores docent; & Theodorus in primis Archiepiscopus prædecessor noster, qui eiusdem Ambrosiani diuinarum precum officij nocturni matutiniq; partes piè & eruditè explicauit luculenta mysteriorum interpretatione.

Hoc igitur Breuiarij opus demum diuinæ pietatis abundantia confectum, & ritui veteri accommodatum, & quod adlectiones sacræ scripturæ attinet, cum ratione, canone, atque instituto antiquo huius nostræ ecclesiæ congruens, cæterisque partibus absolutum, in lucem emitti iussimus.

Quare vniuersis & singulis ecclesiastici ordinis hominibus, etiam Regularibus, qui iure instituto, consuetudine, constitutione, decretove nostro, aut alia quacunque ratione, causaue, Ambrosiano more diuina officia obire debēt, ijs edicimus, & in virtute sanctæ obediētie iubemus, præcipimusq; , vt ad huius Ambrosiani nostri Breuiarij præscriptum canonicas horas, diuinumq; officium deinceps perpetuò, tā publicè quā priuatim præstent. Quòd si quis secus fecerit, cum eum canonicarum horarum officio quod debet, non satis facere declaramus; tum peius affici sancimus, quæ Lateranensi Concilio à Leone X. Pont. & alijs sanctionibus Pontificijs, ac provincialibus Synodis Mediolanensibus contra clericos constitutæ sunt, qui canonicarum horarum officia intermittunt.

Illud autem eos vniuersos singulosq; hortamur, ac monemus, vt diuinæ charitatis studio incensī, ita se in huius Breuiarij vsu exerceant, vt quod ore psallunt, mente spiritusq; idem intimè psallant: sicq; toto animo suæ pietatis fructus in dies vberrimos à Deo percipere studeant, intercedente beatissimo patre Ambrosio, in cuius ecclesia ipsi ministrant.

Dat. Mediolani 8. Idus Septemb. 1582.

EDICTVM

De ædibus, & habitatione ecclesiasticorum.

I O. BAPTISTA CASTELLIVS
I. V. D. Protonotarius Apostolicus Illustriss. & Reuerendiss. in Christo Patris, & Domini, D. Caroli Præbiteri Cardinalis Borromæi nuncupati, S. Mediol. Eccl. Archiep. Vic. gen. &c.

Vt ea quæ in Concilijs Mediolanensibus sancita sunt, de clericis vnà cū laicis, aut in laicorum ædibus non habitandis, exactius executioni mittantur quæ hucusq; missa sint: Edicimus, ac iubemus, quòd à festo Sancti Michaelis proximè venturo in antea, personæ aliqua ecclesiastica non audeat neque præsumat habitare in domibus laicorum, etiam consanguineorum, aut affinium, quouis consanguinitatis, aut affinitatis gradu coniunctorum, sine nostra speciali in scriptis licentia.

Quòdq; omnes & singulæ personæ ecclesiasticæ cuiuscunque qualitatis, dignitatis, & gradus, habitantes in domibus cōductis, debeant per totum præsentem mensem Iulij, in manibus R. D. Ferrandi della Croce, Archidiaconi Mediolanensis, detulisse eorum nomina, & cognomina, ac locum habitationis eorum.

Et quòd omnes & singulæ ecclesiasticæ personæ habentes domos ecclesiasticas locandas, intra decem dies proximos præf. Archidiacono notulam deferant eorum domuum locandarum, aut earum partis, vel solitarum locari, cum qualitate, & situ earum.

Quòdq; intra præsentem mensem debeant cum effectu denunciasse, & excusasse omnes & singulos laicos è domibus ecclesiasticis, quas ipsis locarūt; nec illas in posterum eisdem, aut alijs locare absque nostra in scriptis speciali licentia, etiam quòd pars domus locadæ, aut eades ipse totaliter essent segregatæ à domibus, aut cubiculis, quæ ab ipsis personis ecclesiasticis inhabitantur.

Præterea etiam de mandato prædicti Illustriss. D. Cardinalis annullamus omnes facultates cuiuscunque personæ ecclesiasticæ etiam per Illustriss. Dominum